

## Guaraní - Ñandejára Ñe'ẽ - Lust Scriptures

Éxodo 15:9 He'i ore muñáva: Jaike hapykuéri, jaipe'a imba'éva, ñañemohyguãtã, ñamoperõmba ha oguerekóva jarahapaite! Ñande kyse pukúpe jajukapaite!

Éxodo 18:21 Ha eiporavo kuimba'e kuéra ikatupyrýva, iñe'ẽ rendúva Tupãme, jeroviahha ijoheipyréva ha emoĩ chupe kuéra 1.000, 100, 50 ha 10 hapicha kuéra ruvicha ramo.

Éxodo 20:14 Ani reiko tembireko ne mba'e'ýva ndive.

Éxodo 20:17 Ani reipota rei nde rapicha róga, hembireko, hembiguái kuimba'éva, hembiguái kuñáva, hymba guéi, hymba vúrro térra mba'eve imba'éva.

Números 11:4 Israel ñemoñare ndive oho avei heta tekove ahẽ Israel ñemoñare'ýva. Umíva tembi'u rehénte voi ojepy'apy ha ho'use so'o. Upévare umi Israel ñemoñare avei oñepyrû hasëngy ha he'i joa ojupe:

Deuteronomio 5:21 Ani reñemyakã vai nde rapicha rembirekóre, térra reipota ne mba'erã hóga, ijyvy, hembiguái, hymba guéi, hymba vúrro, térra oime raẽ mba'e imba'e teéva.

Deuteronomio 12:20 Tupã Ñandejára ombotuichave ramo pende yvy, he'i haguéicha ojapo taha, ikatu pe'u so'o mamo pe'usehápe.

Deuteronomio 22:22 Kuimba'e ojehecháva oiko ramo hapicha rembireko ndive, mokõive tojejuka. Peipe'a upéicha pende apytégui iky'áva.

Josué 7:21 'Jaikévo Jericópe ahecha peteĩ ahoja Babilóniape ojejapo vaekue, 200 pláta pehëngue ha peteĩ óro pehëngue médio kílo rupi ipohýiva. Ha umíva che py'a ra'ãgui araha che mba'erã. Añotý che róga guýpe ha upe pláta amoĩ huguaitépe'.

Salmos 10:3 Iñañáva opa rupi oguerosapukái hembipota, upe imba'e pota potavéva katu oñembohory ha ojahéi Ñandejárare.

Salmos 78:18 Oipy'a ra'ã hikuái Tupãme, ojerurepa rei chupe hembi'urã.

Salmos 78:30 Hyguãtã jave hikuái ha oguerekó gueteri ijurúpe hembi'u,

Salmos 81:13 Upévare aheja chupe kuéra ojapo ojaposéva. Iñakãre oiko hikuái.

Salmos 106:14 Yvy ojeiko'ýháme tembi'úre itaryrýi hikuái, avave oï'ýháme oipy'a ra'ã Tupãme.

Salmos 119:36 Che py'a tojaposeve-seve ne rembipota, ha anítei imba'e potasénte.

Proverbios 1:19 Péicha opa umi imba'e potáva, imba'e pota voi ojuka chupe.

Proverbios 6:25 Ani rehecha ramo iporãha, anítei hesa rory nemoñuhã.

Proverbios 15:27 Imba'e potáva ohundi hóga, oñembopopegua'ýva katu oikovéta.

Proverbios 21:25,26 Iñate'ývape ojuka imba'e pota rei, ha'e nomba'aposéigui. 26 Heko añáva ára pukukue oipotapa, iñarandúva katu ome'ẽ ipy'aité guive.

Proverbios 28:16 Mburuvicha iñarandu'ýva, oporojopy jopyve; pe mba'eve oipota'ýva oikovéne are peve.

Isaías 56:11 Ha'e kuéra niko jagua ñembyahýi hyguātä'ýva. Umívajeko tetäguá rerekua! Ndohecha kuaái mba'eve. Peteĩ-teĩ oho hape rupi, oĩ haguéicha imba'erävante oheka.

Isaías 57:17 Israel rembiapo vaikuére che pochy vaekue ymave, ainupã ha ajei vaekue chugui. Ha'e niko opu'ã vaekue che rehe ha oiko iñakäre.

Jeremías 6:13 Opavave, tuicháva ha michíva, mba'éichapa omondátante oguereko iñakäme. Maranduhára ha pa'i kuéra, oĩ haguéicha ijapu.

Jeremías 22:17 Nde katu rejepy'apy ne mba'e mondakuérente voi, rejukauka imarä'ývape, rejopy ne retäguá ndive ha reiporu vaipa chupe."

Jeremías 51:13 Nde katu, Babilonia, reïva ysyry guasu kuéra rembe'ýre ha rerekóva mba'e repyeta, oguahëma nde ára, opáma nde rekove!

Ezequiel 6:9 Umi omano'ý vaekue imandu'áne che rehe umi tetäme, imandu'áne mba'éichapa ambohasa asy ra'e chupe kuéra, oñemboykégui che hegui ha omomorä ta'änga rei. Ha'e kuéra ojeguarúne ijehegui mba'e vaieta ojapo vaekuére, mba'e jaheipyrä ojapo vaekuére.

Ezequiel 14:4,5 Upévare ere chupe kuéra: Kóicha he'i opa mba'e Jára: Peteĩ Israelgua oñeme'ẽrõ tupã gua'upe ha omotenonde umi mba'e ogueraháva chupe teko ky'ápe, oúrõ ha omba'e porandu maranhuhárape, Cheté voi ambohováita tekotevöháicha upe hetaite tupã gua'u oguerekóvape. 5 Upéicha ajapóta aguahë haguã Israelgua kuéra py'ápe, opavave oñemboykégui che hegui itupã gua'u kuéra rehehápe.

Ezequiel 22:12 Oĩ oñekuave'ëva hepýre oporojuka haguã. Oĩ viru oiporuka haguã hetaiterei ojeruréva, mbaretépe oporohuguy'óva ha hesarái che hegui. Che, opa mba'e Jára, upéicha ha'e.

Ezequiel 33:31 Ha péicha che retäguá ou ha oguapy ne renondépe, ojapoháicha jepi, ohendu haguã ne ñe'ẽ. Ha'e kuéra katu ndojapói umi eréva. He'i ha he'i jey purahéi mborayhúpe guáicha, ha ipy'apýpe kuéra katu oho pláta rapykuéri.

Oseas 4:12 Che retäguá oporandu ta'änga yvyrápe, oiporúvo yvyla ojapo paje, kuña reko vaícha oñeme'ẽvo tupã gua'u kuérape, che retäguá ojavy Tupã Ijára rape.

Oseas 5:4 Pende reko ky'águi ndaikatúi pejevy Tupã pende Jára rendápe. Pemomba'e guasúgui ta'änga rei ndapeikuaasevái mba'eve Ñandejáragui.

Miqueas 2:2 Yvy oipotávare mbaretépe oñemomba'e ha óga oipota ramo, omonda. Óga ha yvy jára ha hogagua ndive ojopy.

Nahúm 3:4 Ha opa ko'ã mba'e ojehu kuña reko vai Nínive rupi. Iporã, ijuky ha ipajéva, ha oñeme'ẽvo tetä nguérape ombotavy ha omosã chupe kuéra."

Habacuc 2:9 Cháke nde, ne mondakuépe remyenyhë vaekue nde róga reiko haguã kyhyje'ýre!

Mateo 5:28 Che katu ha'e peẽme: Oimeraë oma'ëva peteĩ kuñáre ha oguerekose chupe, upéva ku oikómarõ guáicha hendive ipy'apýpe.

Marcos 4:19 Ha'e kuéra katu ojepy'apy umi mba'e yvy arigua rehénte voi, ha mba'eta rerekose ombotavyete chupe kuéra. Ko'ã mba'e ojaho'i ha ojuka pe

ñe'ẽ, ha upévagui ndaikatúi hi'a.

Marcos 7:22 ñemyakāratĩ, teko vai, monda, japus, ha ñe'ẽ rei ñande rapicháre.

Lucas 3:14 Oĩ avei ñorãirõhára oporandúva Juánpe: --Ha orépa mba'e rojapo vaerã? Juan he'i chupe kuéra: --Ani peipe'a mba'eve avavégui, pemongyhyjévo térra pembojávo hese ojapo'ŷ vaekue. Ha pevy'ante pene rembiapo repykuére.

Lucas 12:15 Ha he'i avei: --Pejerereko opaichagua mba'epotágui. Jeikovéko noíri heta mba'e ojererekóre.

Lucas 16:14 Umi fariséo, viru ohayhúva, ohendu opa ko'ã mba'e ha oñembohory Jesús rehe.

Juan 8:44 Pende ru niko aña. Peẽ imba'e ha peime pejapo haguäicha umi mba'e ha'e ojaposéva. Iñepyrümby guive voi niko ha'e oporojukáva. Ha'e ndoikuaái añetegua ha nde'iri añeteguáva. Oñe'ẽ ramo ijapu, japúnte oikuaágui, ha japus rapógui voi ha'e.

Hechos 20:33 Ndaipotái vaekue che mba'erã avaveichaguáva viru térra ao.

Romanos 1:24-29 Upévare Tupã oheja chupe kuéra oiko umi tembipota vai oïva ipype kuéra rehewe, ha ojapo ojuehe mba'e oporomotïva. 25 Tupã mba'e añetegua rangue, oheka hikuái mba'e japus, ha ombojerovia ha omomba'e guasu umi mba'e Tupã rembiapokue, ha ndaha'ei Tupã ijapoharépe, ha ojererohory vaerãva opa árape. Amén. 26 Upévare Tupã oheja chupe kuéra umi tembipota oporomotïva rehewe. Ikuña kuéra jepeve ojererekouka rangue hekópe, ohasa hekopeguáymey. 27 Upéicha avei kuimba'e, ojei kuña jererekouka rangue hekopeguágui, ha hendy tembipota vaípe ojuehe. Kuimba'e, kuimba'e ndive ojapo mba'e oporomotïva, ha oñandu asy hetépe voi, ñenupã oúva chupe kuéra heko vaikuére. 28 Ndoikuaaséi rupi Tupãgui, ha'e oheja chupe kuéra hemiandu vaípe, ojapo haguã ojapo'ŷ vaerã. 29 Henyhë hikuái opaichagua teko joja'ŷgui, teko pochy, takate'ŷ ha teko añaágui. Oipota pe hapicha oguerekóva, oporojuka, ojapo sarambi, oporombotavy, iñaña ha iñe'ẽ rei.

Romanos 6:12 Ha upéicha, ani peheja pe angaipa ipu'aka pende rete omano vaerãre, ha ojapouka peẽme pende rete rembipota.

Romanos 7:7 Ja'éta nga'u piko upévare, pe tembiapoukapy ivaiha? Ahániri upéva! Upéicharõ jepe, ndaha'ei rire pe tembiapoukapýre, che ndaikuaái vaerã mo'ã mba'epa pe angaipa apo. Araka'eve ndaikuaái vaerã mo'ã mba'epa pe mba'e pota, pe tembiapoukapy nde'iri rire: "Ani ne mba'e pota."

Romanos 13:9 Tembiapoukapy kuéra he'i: "Ani remykäratĩ ne rembirekópe, ani reporojuka, ani remonda, ani reipota opa mba'e." Áva ha umi ambue tembiapoukapy, opyta ko'ã ñe'ẽ ryepýpe: "Ehayhu nde rapichápe rejehayhuháicha ndete."

Romanos 13:14 Upéva rangue, peñemonde Ñandejára Jesucristogui ha ani pehekátei umi tembipota vai perekóva yvypóra pende rekópe.

1 Corintios 5:10,11 Upévape nda'eséi jepe vaekue pejeipaite haguã opa ojeitývagui teko vaípe, térra hakate'ŷva, térra imondáva, térra omomba'eva ta'anga rei. Upevarã, pesẽ mante vaerã voi ko yvy árigui. 11 Ha'ese vaekue

niko ndaperekói vaerāha mba'eveichagua joaju umi he'íva ñane pehēngueha, ha ojeity teko vaípe, imo'opī, omomba'e ta'āngā rei, oñe'ē rei hapicháre, ika'u térrā imonda. Umichagua ndive, ani voi pekarúnte jepe.

- 1 Corintios 6:9/10 Ndapeikuaái piko peě, umi nda heko jojáiva ndaikatu mo'āiha oike Tupā sāmbyhýpe? Ani peñembotavy, Tupā sāmbyhýpe ndaija mo'āi umi ojeitýva teko vaípe, umi omomba'eva ta'āngā rei, umi omyakāratīva hembirekópe, umi heko kuñáva ha oikóva kuña ramo, umi oikóva omonda, umi hakate'ýva, umi ika'úva, umi oñe'ē reíva hapicháre, umi mondaha.
- 1 Corintios 10:6 Opa ko'ā mba'e oiko ñane rembiechaukarā, jaipota'ý haguā ivaíva, ha'e kuéra oipota haguéicha.
- 1 Corintios 12:31 Peě peipota vaerā umi mba'e kuaa iporāvēva. Che ahechaukáta peěme peteř tape iporāvēva.
- 1 Corintios 14:39 Ha upéicha, che pehēngue kuéra, peñeha'ā pehupyty maranduhára mba'e kuaaha, ha ani ndapehejái oñeñe'ē ñe'ē ojekuaa'ývape.
- 2 Corintios 9:5 Upévare voi ahecha tekotevēha ko'ā ñane pehēngue oho raě pende rechávo, ha pene pytvō pemoīmba haguā upe tupāmba'e peě pejévaekue. Upéicha, pe tupāmba'e pene mba'eva, oīmbaitéta ohechauka haguā pende pojeraha, ndaha'eihā pene rakate'ýva.

Gálatas 5:16-20 Aipórō ha'e peěme: Peiko Espíritu oipotaháicha. Ha ani peiko pevy'a pene mba'e pota vaípente. 17 Umi mba'e pota vai niko opu'ā Espíriture, ha Espíritu oguero'yrō umi mba'e pota vai. Pe peteř oguero'yrō umi ambuépe, upévare peě ndaikatúi pejapo umi mba'e porā pejaposéva. 18 Espíritu pene sāmbyhy ramo katu, napeime mo'ā véima tembiapoukapy poguýpe. 19 Ndahasýi jahecha haguā ojapóva umi ohóva tembipota vai rappykuéri: ojapo tie'ý rehuguáva, mba'e ky'a ha jepokuaa vai rehugua, 20 omomba'e guasu ta'āngā rei ha ojapo paje. Oñemohatā py'a rasýpe, jeiko vai ha ñemyakate'ýme. Ipochy rei, ojoavypa, ha ojeipa ojuehegui.

Gálatas 5:24 Ha umi Cristo Jesús rehuguáva, ohupíma kurusúre yvypóra reko mba'e vai apoha, imba'epota vaieta reheve.

Efesios 2:1-3 Yma niko peě pemano vaekue, tembiapo vai ha angaipa poguýpe. 2 Peiko vaekue opa yvypóra heko añáva oikoháicha, ha pejapo pe espíritu aña ruvicha yvytúre oikóva oipotahaícha, ha oguerekóva ipoguýpe umi Tupāme ohenduse'ývape. 3 Ha umívaicha niko opavavete jaiko vaekue ymave. Jaiko vaekue jaikoseháicha ha jajapo umi mba'e vai ñane akāme jarekóva. Upévare, Tupā ñane nupā pochy vaerā mo'ā, ñane rembiapo vaikue ojerureháicha, ambuére ojapo haguéicha.

Efesios 4:19 Notívéigui mba'evégui, oñeme'ē opaichagua mba'e vaípe ha heko ky'ápe ndaikatúi ojejoko.

Efesios 4:22-27 Upévare, pejeheja pende reko tujágui ha anive peiko yma guaréicha. Péicha peiko hague niko pende tujupa vaekue, pehejágui teko ky'a pene mbotavypa. 23 Pembopyahupaitéke pende py'a ha pene akāme perekóva, 24 ha pemoñepyrū pende reko pyahu, Tupā ojapo vaekue ijoguaha

ramo. Upéva ojehecháta pende rehe, pende reko marangatu ha ipotí porã ramo, ha peiko ramo añete guápe. 25 Upévare, anive pende jalu ojupe. Añeteguánte peje pende rapichápe, opavave ñande niko Cristo rete reheguánte. 26 Pende pochy ramo, ani pe'a angaipápe. Ani peheja kuarahy oike jepe pende pochy poi haguã. 27 Ani peme'ẽ juruja Añáme.

Efesios 5:2/3,5 Tupã rembiapoukapy tenondegua niko he'i: "Emomba'e nde ru ha nde sýpe", ha upéva jajapo ramo he'i: "Reikove puku haguã ha revy'a haguã ko yvy ári." 5 Peẽ tembiguái, pejapóke he'íva peẽme umi oĩva pende járarõ ko yvy ári. Pemomba'e chupe kuéra ha pende py'aite guive pejapo he'íva peẽme, ku Crístope guarã pejapórõ guáicha.

Colosenses 3:5 Pejuka, aipórõ, opa yvy rehegua oĩva pende pype: avave ani itie'ý kuña ndive, ha ani ojapo mba'eve iky'áva, ani oho imba'e andu rei ha hembipota vai rappykuéri, ha ani oñembotyryryka takate'ýre (ha'énteva avei ta'änga rei ñemomba'e guasu).

- 1 Tesalonicenses 2:5 Peikuaaháicha, araka'eve na porombojuruhe'ẽi vaekue ñe'ẽ porãreve, térra roiporu ro'éva romono'õ haguã viru. Tupã oikuua upéva.
- 1 Tesalonicenses 4:3-7 Pe Tupã oipotáva niko tapeikove marangatúpe, avave ani itie'ýtei, 4 ha peteñ-teñ taipu'aka hetére, marangatúpe ha teko kuaápe, 5 anítei mba'e pota vai ha tembiapo vaisépe, umi Tupáme oikuaa'ývaicha. 6 Aníke avave oñemombarete ha ombotavy ko'ã mba'épe hapichápe, Ñandejára oporonupã hatã hína opa ko'ã mba'ére, ro'e haguéichama peẽme. 7 Tupã ñane renói vaekue ndaha'ẽi jaiko ky'a haguã, ñane marangatu haguánte.
- 1 Timoteo 3:3,8 ndaika'úi vaerãi ha naiñorãirõséi vaerãi. Ipy'a porã vaerã katu, ipy'a guapy kuaa ha nda ipira pire potái vaerãi. 8 Upéicha avei, umi Jesús iglésia pytyvõhára ojererekóvarã mba'érõ, araka'eve opyrũ'ýva iñe'ere, nda ika'úi vaerã ha ndoikói vaerã omono'õ pira pire hekope'ý.
- 1 Timoteo 6:9,10 Umi ipirapire retaséva katu ho'a jepy'a ra'ã vai ñuhãme guáicha, ha ojecha heta mba'e pota vaípe, oitýva chupe kuéra py'a tarovápe ha ñehundípe. 10 Pirapire jehayhu eterei ogueru heta mba'e vai, ha oime ku imba'e potapa rupi ojei vaekue Jesucristo reroviágui ha ogueru ijupe hetaiterei jeiko asy.
- 2 Timoteo 2:22 Ejeheja umi mba'e mitã rusúpe omyakã rakúvagui. Eiko uvei teko jojápe, ejerovia Cristo rehe, ehayhu nde rapicha kuérape ha eiko py'a guapýpe umi Ñandejárape ipy'aite guive omomba'e guasúva ndive.
- 2 Timoteo 3:2,6 Opavave imba'erãnte oipotáta opa mba'e, pira pirénte ohayhúta, ha oñemoha'entese ha ojejapóta. Oñepu'ãmbáta Tupäre, túva ha sýpe avave naiñe'ẽ rendu mo'ãi, ndojehecha kuaa mo'ãi avavépe ha ojejahéita Tupäre. 6 Umíva apytépe oĩ hína umi oikéva oimeraëva rógape ha ombotavy umi kuña iñakã kuchúvape, ha angaipágui henyhëvape, ha ojapo rei reínteva opa oúva chupe iñakãme.
- 2 Timoteo 4:3 Oguahëta hína ára, ha avave nohenduse mo'ã véima mba'eve iporãva chupe kuéra oñembo'éva. Upéva rangue, oikóta iñakãre ha ombyatýta

ijerére umi mbo'ehára ohendukáva chupe kuéra umi ha'e kuéra ohenduséante.

Tito 2:12 Pe Tupā py'a porā, ñane mbo'e jajeheja haguā teko jerovia'ŷ ha mba'e pota yvy ári guágui, ha jaiko haguā ñande rekove ko'ágā guápe, akā guapýpe, hekópe ha Tupā rayhúpe,

Tito 3:3 Ñande avei niko yma ñande výro, ha ñapu'ã reise vaekue oimeraëvare.

Ñande rape kañy vaekue ha jaiko opaichagua ivai ha iky'áva rembiguáirō.

Ñande reko aña vaekue ha jaiko py'a rasýpe, na ñande ja'evéi ojuehe.

Hebreos 13:5 Ani pehayhu viru. Pevy'a perekóvare. Tupā niko he'i vaekue: "Araka'eve ndoroheja rei vaerāi."

Santiago 1:14,15 Upéva rangue, yvypóra rembipota vaínte pe oipy'a reraháva, ombotavy ha oipy'a ra'áva chupe. 15 Ko'ã tembipota vaígui niko heñói pe angaipa. Ha upéva okakuaapávo, heñói chugui ñemano.

Santiago 4:1-5 Mamógui piko ou umi ñoräirō ha joavy pende apytépe? Ou pene rembipota vaígui, pene moñoräirō mantéva. 2 Peipota pe ikatu'ŷva perekó, ha upévare peporojuka. Pene renyhē mba'e potágui pehupyty'ŷre mba'eve, ha upévare peñoräirō ha pekaguai ojuehe. Ndapehupytyí peipotáva ndapejeruréigui Tupāme. 3 Ha pejerure ramo, noñeme'ëi peëme pejerurégui hekope'ŷ. Peipota niko pende vy'arā rei. 4 Há tekove jeroviah'aŷ! Ndapeikuaái piko ohayhúva yvypóra reko ndohayhuiha Tupāme? Oimeraëva oñemboykéva yvypóra reko gotyo, oñemoï hína Tupāre. 5 Peimo'ã piko he'i reiha Ñandejára Ñe'ë: "Tupā hakate'ŷ pe espíritu ñande pype omoï vaekuéré?"

1 Pedro 1:14 Ta'ýra iñe'ë rendúvaicha, ani peiko Tupāme peikuaa mboyve peiko haguéicha.

1 Pedro 2:11 Che pehëngue kuéra ahayhúva, ajerure peëme, hetäme oŷvaicha, pehasánteva pehóvo ko yvy ári, ani pejeko yvypóra rembipotáre, opu'âva ñande py'áre.

1 Pedro 4:2-4 oikove haguā upéi Tupā oipotaháicha, ndaha'ëi yvypóraicha. 3 Are peve peë pejapo umi heko jeroviah'aŷva ojapóvante avei, oikóva jepokuaaha vaípe, mba'epota vaípe, karu guasu ha ka'úpe, teko vai rasa rekópe ha pemomba'e guasu ta'änga rei Tupā ojaheiha. 4 Ko'ágā, ndapeiko véimava hendive kuéra heko vaípe, ha'e kuéra ndojuhu porái ha oñe'ë vai pende rehe.

2 Pedro 1:4 Che mandu'a manté umi nde resay reñohë vaekuéré ha hi'ânte chéve rohecha jey, tuicha avy'a haguā.

2 Pedro 2:3 Eropu'akáke jehasa asy oúva ndéve, ndéko hína Jesucristo ñoräiröhára.

2 Pedro 2:9-19 ha upéva rupi heta ahasa asy ha ajerereko iñapytiháme, che rembiapo vai ramo guáicha. Ñandejára Ñe'ë katu ndaikatúi oñeñapytí. 10 Upévare, umi Tupā oiporavo vaekue rehehápe aropu'aka opa mba'e, ikatu haguā Cristo Jesús rupi ha'e kuéra avei oñepysyrō, ha oikuua pe jeikove opa'ŷva ha tuichaitéva. 11 Añetehápe niko oje'e: Ñamano ramo hendive hendive avei jaikovéta, 12 jahasa asy kuaa ramo hendive ñaiméta opa mba'e

ári, ja'érō ndajaikuaiha chupe ha'e avei na ñande kuaa mo'āi, 13 ndajajerovíái ramo hese ha'e ndaupéichai ñane ndive, ndaikatúigui ha'e voi he'i ijupe tove. 14 Ne mandu'áke nde rapicha kuérape ha Tupā renondépe ere chupe kuéra ani haguā oñoñe'ẽ api hikuái. Péva niko naiporāi mba'everā, ohundi uvei opa ohendúvape. 15 Eñeha'ã mbaitéke repyta porā haguā Tupā ndive, ku ombo'apóvaicha oguereko'ýva mba'evégui otī haguā, ha ombo'éva hekópe añetegua. 16 Ejeheja ñe'ẽ rei ha výro reígui. Umi péicha oñe'ëva niko hembiapo vai vaivéta, 17 ha umi mba'e ha'e kuéra ombo'éva katu okaru, ku aícha ñande ro'ore. Péicha niko ojehu Himeneo ha Filétope, 18 opíava umi mba'e añeteguágui, he'ivo ojeikove jeýma hague omanóva apytégui. Péicha, hetágui omokangy ijerovia. 19 Pe ita Tupā omboguapy hatā vaekue katu ndoku'e mo'āi, ha hese he'i: "Ñandejára oikuua umi imba'evape" ha avei "Opa umi omomba'e guasúva Ñandejárape, ojeheja vaerā mba'e vaígui."

2 Pedro 3:3 Opa mba'e ári peikuaa poráke kóva: Ára pahápe ou vaerā umi iñakā rehénte oikoséva, ha ojaposévante ojapóva. Umíva oñembohorýta pende rehe,

1 Juan 2:15-17 Ani pehayhu yvypóra reko térra oïva ipype. Ohayhúva yvypóra reko ndohayhúi pe Túvape. 16 Mba'eve ha'e oikuave'ëvagui ndouí pe Túvagui, chugui voínte uvei ou. Kóva hína pe ha'e oikuave'ëva: yvypóra rekove rembipota vai, 17 Yvypóra reko katu opa ohóvo opa hembipota vai reheve. Upe Túva rembipota ojapóva katu oikove opa árape guarã.

Judas 1:11 Cháke umíva. Oiko hikuái Caín oiko haguéicha. Ipláta potágui ojavy hape ojavy haguéicha Balaam. Coré oñehundi haguéicha oñehundi.

Judas 1:15-19 ombojovakévo opa yvypórape, ha ohundívo chupe kuéra opa mba'e vai heko añañágui ojapo vaekuére, ha opa umi ñe'ẽ guasu hese he'i vaekuére." 16 Opa mba'ëre ipochy vaekue hikuái umi tekove juru guasu, opavavére oñe'ẽ vai ha oiko oikoseháicha, ha oporombojuru he'ẽ ohekávo imba'epota. 17 Peẽ katu, che pehëngue kuéra pohayhúva, pene mandu'áke umi mba'e Ñandejára Jesucristo apóstol\*f\*\* kuéra, 18 peẽme he'i vaekuére: "Umi ára pahávo oïta tekove oñembohorýva hapicháre, oñeme'ëva hembipota ky'ápe." 19 Umíva hína umi oporomoingo vaíva, oñeme'ëva yvypóra rekópe, ha ndoguerekóiva Espíritu Santo.

Apocalipsis 18:14 Ha he'ita hikuái pe táva guasúpe: "Ndereguereko véima umi yva hete vaekue ndéve; opa ára guarãma ndereguereko mo'ävéi, umi jegua ha mba'e reta!"